

御纂醫宗金鑑

R2-51
24a

御纂醫宗金鑑卷六十七

編輯外科心法要訣目錄

腹部

幽癰

中腕疽

嚇癰

衝疽

臍癰
附臍中出水

少腹疽

腹皮癰

緩疽

腋部

腋癰

腋疽

黯疔

肋部

肋疽

淵疽

內發丹毒

脇癰附疽

內癰部

肺癰

大小腸癰

胃癰

脾癰

肝癰

心癰

腎癰

三焦癰


內癰總論

驗內癰法

御纂醫宗金鑑卷六十七

編輯外科心法要訣

幽 靡 圖



幽靡在臍上七寸

腹
部

幽
癰

幽癰臍上七寸生初小漸大腫硬疼憂思厚味火
毒發咬牙寒戰毒陷攻

計

此證生臍上七寸初起如粟漸增漫腫疼痛
形如鶩卵甚則堅硬痛牽胸肋由過食膏粱
厚味憂思氣結腸胃不通火鬱成毒自內而
外發也初起腫痛皮色未紅時若心煩嘔噦
涎沈實者當疏火毒以絕其源宜內疏黃連

湯服之焮腫痛甚邪氣實也宜服托裏散外用艾壯隔蒜片灸之。脈見沉遲其膿未成用補中益氣湯托之。脈見洪數其膿已成用托裏透膿湯。膿熟脹痛不潰係氣血虛也急用十全大補湯溫補之外兼用臥鍼開臥鍼者斜入斜出防傷內膜也。或誤行汗下或誤敷寒涼以致腫而不潰潰而不斂者急用十全大補湯加乾薑附子以救之。已潰朝寒暮熱者氣血虛也。食少作瀉脾胃虛也。胸痞痰涌

脾肺虛也俱服六君子湯服後諸證悉退換
十全大補湯調理卽愈外治之法按癰疽腫
瘍潰瘍門無論已潰未潰忽咬牙寒戰係氣
虛不能勝毒毒陷攻裏之兆或潰後膿水忽
多忽少瘡口如蟹吐沫者係內膜已透俱爲
逆證

托裏散

皂刺

金銀花

黃芩

牡蠣
煨

當歸

赤芍

朴消

大黃

花粉

連翹 各等分
去心

共研粗末每用五錢酒水各一鍾煎八分去

渣服

方歌托裏散醫諸瘡毒腫甚焮疼煎服消皂刺銀

花苓牡蠣歸芍消黃花粉翹

內疎黃連湯

見腫瘍門

隔蒜灸法

見首部灸法

托裏透膿湯

見頭部
侵腦疽


補中益氣湯

十全大補湯

六君子湯

即香砂六君子湯減去
藿香砂仁俱見潰瘍門

中 脘 疽 圖



中脘疽在臍上四寸

中脘疽

中脘疽由胃火生臍上四寸隱隱疼堅硬漫腫無紅熱不食嘔噦毒內攻

註

此證一名胃疽發於心胸之下臍上四寸任脈經中脘穴隱痛日久向外生疽堅硬漫腫皮色無紅無熱由過食炙煇以致胃腑火毒而成人迎脈盛是毒氣攻裏作嘔不食咳嗽膿痰者逆初宜服仙方活命飲色紫堅硬宜服山甲內消散膿勢將成內外治法俱按癰

疽腫瘍潰瘍門若起長膿遲或瘡不斂痛者
急用艾壯隔獨頭蒜片置患上灸之回陽

山甲內消散

穿山甲

三大片炒

當歸尾

大黃

甘草節 各三錢

土木鱉

三個

黑牽牛

殭蠶

各一錢炒

酒水各一鍾煎八分空心服渣再煎服大便
行三四次方食稀粥淡味調理

方歌山甲內消火毒積色紫堅疼中脘疽歸尾大

黃疆草節木鱉牽牛加酒宜


仙方活命飲

見腫瘍門

嚇

癰

圖



嚇癰生在脐上三寸

嚇癰

嚇癰七情鬱火成臍上三寸粟微紅暴腫焮痛二
此潰頂陷色黑潰遲凶

註此證由七情鬱火凝結而成生臍上三寸屬
任脈經建里穴初如粟米癢痛相兼其肺迅
速寒熱往來甚則嘔噦牽引臍痛初腫微紅
頂尖根束漸透赤色時痛時止十四日潰膿
者順若頂陷紫黑根脚漫腫面赤大渴脈見
浮數而散大者逆內治與幽癰叅考外治法